



Claudii Fleurii Abbatis Historia Ecclesiastica

Ab anno Christi 1691. usque ad annum 1701

Fleury, Claude

August. Vind. [u.a.], 1781

VD18 13322648

§. 68. Francisci Feneloni Cameracensis Archiepiscopi liber de vtia interiore.

[urn:nbn:de:hbz:466:1-67627](#)

citationem Psalmi CX. & vaticinii Ja- Sæc. XVII.
cobi, necnon librum de morte Christi. A.C. 1699.

§. LXVIII.

Francisci Feneloni Cameracensis Archiepiscopi liber de vita intiore.

Agitabatur hoc anno in Galliis gravissimi momenti caufsa, cuius even-
tus universi pene Orbis expectationem suspensam tenuit. Actores erant duo
in Francia pietate ac eruditione illo ævo longe spectatissimi Præfules, Franci-
scus Fenelon de Salignac de la Motte Cameracensis Archiepiscopus, & Be-
nignus Bossuetus Episcopus Meldensis. Ille maximo erga Deum & Religionem studio incensus, non modo Hugonotarum conversioni, sed etiam nominatus Neo-Catholicorum Superior verbi Divini prædicationi indefesso studio insudavit, cunctasque diei horas aut propriæ, aut aliorum saluti promovendæ impen-
dit: Scriperat præter tractatum de ministerio Pastorum, etiam libellum de educatione Filiarum tantopere a cunctis deprædicatum, ut ipsemet Ludovicus Rex hujus Viri eruditionem, pieta- temque admiratus, eundem Nepotibus suis, Burgundo, Andegavensi, & Bituricensi Ducibus Instruictorem daret, ac postea ad Cameracensem Archiepi-

Hh 5 scopo-

Sæc. XVII. scopatum nominaret: cum autem nul-
 A. C. 1699. lis fortuna infestius irascatur, quam
 quos indulgentissima fovit, ita & Fen-
 elonus vix tam sublimem dignitatis
 gradum ascenderat, cum gravissima
 eum tempestas eo potissimum tempore
 exciperet, quo se certius sacræ quietis
 portum attigisse crediderat: Habebat
 animum suum in rerum cœlestium
 contemplatione semper defixum, ac
 propterea mirifice delectabatur confor-
 tio illorum, qui pariter animum divinis
 ejusmodi exercitationibus pascere af-
 sueti erant: quapropter ab anno hujus
 sæculi nonagesimo secundo frequens ei-
 dem erat de Divinis sermo cum Guyno-
 nia, quæ, ut supra memoravimus, ob
 contemplationem vitamque exstaticam
 tum multorum æstimationem, admira-
 tionemque in se rapuerat, multis vero
 suspecta videbatur: Postquam ergo ejus
 caussa rigido Bossueti, aliorumque Præ-
 fulum examini commissa fuerat, etiam
 Fenelonus huic Conventui interesse ro-
 gabatur, hic vero triginta quatuor il-
 lis articulis, quos Bossuetus ex Guy-
 noniæ scriptis tanquam erroneos ex-
 traxerat, sicut & pastoralibus literis,
 quibus idem Præful Guynoniæ con-
 templationem rejecerat, subscribere
 renuit, triticum unacum Zizaniis era-
 dicari ratus: Hos igitur articulos, qui-
 bus

bus adhuc quatuor alios adjecerat, di- Sæc. XVII.
lucidare aggressus, anno priori librum A.C. 1699.
edidit, cui titulus: *Placita seu Regulae*
Sanctorum de vita interiore: Bossuetus
vero postea eodem anno suum tracta-
tum de Statibus orationis unacum lite-
ris die decima septima Martii datis ad
Innocentium XII. transmisit, cui etiam
Pontifex die sexta Maij peramanter
rescripsit.

§. LXIX.

*Fenelonus tanquam Quietismi reus a-
pud Franciæ Regem denun-
tiatus.*

Vix Feneloni Archiepiscopi liber pu-
blicam lucem aspicerat, cum il-
lico centum ora, centum calami ad-
versus eum acrius quam contra Alco-
ronum decertarent: Fenelonum abso-
nis Guiponiæ delirantis phantasmatibus
patrocinari, ejus apologiam concinnare,
damnatumque Molinosii Quietismum
ex orco resuscitare, clamabatur ubique;
quapropter Fenelonus, ut periculosi
motus mala præverteret, prolixam op-
pido instructionem Pastoralem edidit,
in qua libri sui doctrinam explicare,
animosque in diversa raptos conciliare
nitezatur: attamen oleum affudit igni,
atque ex proprio suo armamentario
nova